

ქ. თბილისი

04 ივნისი 2012 წელი

ერთის მხრივ ქ. თბილისის მერია (შემდგომში – შემსყიდველი), ქ. თბილისის მერის მოადგილის ტარიელ ხიზანეიშვილის სახით და მეორეს მხრივ, შპს „მადლი“, (შემდგომში – მიმწოდებელი) მისი დირექტორის როინ ლუტიძის სახით, ვხელმძღვანელობთ რა საქართველოში მოქმედი კანონმდებლობით, ვდებთ წინამდებარე ხელშეკრულებას შემდეგზე:

### მუხლი I. ხელშეკრულების საგანი

1.1. ხელშეკრულების საგანია ქ. თბილისის ბიუჯეტის სახსრებით, ქ. თბილისში, ფოსტის შესახვევის №14-ში მდებარე საყრდენი კედლის მოწყობის, ბუხაიძის ქუჩა №14-ში მდებარე საყრდენი კედლის მოწყობის და ჩაისუბნის ქუჩა №3-ში მდებარე საყრდენი კედლის მოწყობის სამუშაოების შესყიდვა წინამდებარე ხელშეკრულებით გათვალისწინებული პირობების შესაბამისად, გამარტივებული შესყიდვის საშუალებით, “სახელმწიფო შესყიდვების შესახებ” საქართველოს კანონის მე-10<sup>1</sup> მუხლის III პუნქტის ბ ქვეპუნქტის შესაბამისად (2012 წლის 15 მაისის 10-18/4136 წერილი).

1.2. ხელშეკრულების ობიექტია:

1.2.1 ქ. თბილისში, ფოსტის შესახვევის №14-ში მდებარე საყრდენი კედლის მოწყობა;

1.2.2 ქ. თბილისში, ბუხაიძის ქუჩა №14-ში მდებარე საყრდენი კედლის მოწყობა;

1.2.3 ქ. თბილისში, ჩაისუბნის ქუჩა №3-ში მდებარე საყრდენი კედლის მოწყობა;

1.3 კლასიფიკატორის კოდი: 45262620.

### მუხლი II. ხელშეკრულების საერთო ღირებულება

2.1. შესყიდვის ობიექტის ფასი განისაზღვრა ლარებში.

2.2 შესყიდვის ობიექტის ღირებულება:

2.2.1 ქ. თბილისში, ფოსტის შესახვევის №14-ში მდებარე საყრდენი კედლის მოწყობა - 40 085,86 (ორმოცი ათას ოთხმოცდახუთი ლარი და 86 თეთრი) ლარი, ყველა გადასახადის ჩათვლით;

2.2.2 ქ. თბილისში, ბუხაიძის ქუჩა №14-ში მდებარე საყრდენი კედლის მოწყობა - 184 612,66 (ასოთხმოცდაოთხი ათას ექვსასთორმეტი ლარი და 66 თეთრი) ლარი, ყველა გადასახადის ჩათვლით;

2.2.3 ქ. თბილისში, ჩაისუბნის ქუჩა №3-ში მდებარე საყრდენი კედლის მოწყობა - 241 401,26 (ორასორმოცდაერთი ათას ოთხასერთი ლარი და 26 თეთრი) ლარი, ყველა გადასახადის ჩათვლით;

2.3 შესყიდვის ობიექტის საერთო ღირებულება შეადგენს 466 099,78 (ოთხასსამოცდაექვსი ათას ოთხმოცდაცხრამეტი ლარი და 78 თეთრი) ლარს, ყველა გადასახადის ჩათვლით.

2.4. შესასრულებელი სამუშაოების მოცულობისა და ღირებულების დეტალური აღწერა თან ახლავს წინამდებარე ხელშეკრულებას და წარმოადგენს მის განუყოფელ ნაწილს.

2.5 ხარჯთაღრიცხვით განსაზღვრული სამუშაოთა მოცულობები შესაძლებელია შეიცვალოს დმოქნილი შესასრულებელი სამუშაოების გათვალისწინებით.

### მუხლი III. შესყიდვის ობიექტის ხარისხი


3.1. მიმწოდებელი იღებს ვალდებულებას, რომ შესრულებული სამუშაოების ხარისხი უპასუხებს ხელშეკრულებით გათვალისწინებულ პირობებს და დააკმაყოფილებს შემსყიდველის მოთხოვნებს.

3.2. ხელშეკრულების ფარგლებში შესასრულებელი სამუშაოების ხარისხი უნდა შეესაბამებოდეს სამშენებლო ნორმებითა და წესებით გათვალისწინებულ მოთხოვნებს და სტანდარტებს;

### მუხლი IV. ხელშეკრულების შესრულების კონტროლი

4.1 შემსყიდველი უფლებამოსილია სამუშაოების შესრულების პარალელურად მოახდინოს სამუშაოების შემოწმება, რომლის მიზანია მისი შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

4.2 შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს დაწუნებული სამუშაოების ნაწილის და წუნდების მიხედვით მითითებით.



- 4.3 გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.
- 4.4. მიმწოდებელმა სამუშაოთა წარმოების ნორმების მიხედვით სისტემატიურად უნდა აწარმოოს მასალებისა და შესრულებული სამუშაოს ხარისხის კონტროლი და მიღებული შედეგები შეიტანოს ყოველდღიურად ჟურნალში;
- 4.5. ხელშეკრულების ინსპექტირებას შემსყიდველის მხრიდან განახორციელებენ წინამდებარე ხელშეკრულების მე-7 მუხლის 7.3 პუნქტში აღნიშნული პირები.
- 4.6 ამ მუხლის არც ერთი პუნქტი არ ათავისუფლებს მიმწოდებელს მოცემული ხელშეკრულების გარანტიის ან სხვა ვალდებულებებისაგან.

#### **მუხლი V. შესყიდვის ობიექტის მიწოდების ვადა და ადგილი**

5.1. შესყიდვის ობიექტის მიწოდების ვადა:

- 5.1.1. ქ. თბილისში, ფოსტის შესახვევის №14-ში მდებარე საყრდენი კედლის მოწყობა - ხელშეკრულების გაფორმებიდან არაუგვიანეს 2012 წლის 30 ივნისის ჩათვლით;
- 5.1.2. ქ. თბილისში, ბუხაიძის ქუჩა №14-ში მდებარე საყრდენი კედლის მოწყობა - ხელშეკრულების გაფორმებიდან არაუგვიანეს 2012 წლის 10 აგვისტოს ჩათვლით;
- 5.1.3 ქ. თბილისში, ჩაისუბნის ქუჩა №3-ში მდებარე საყრდენი კედლის მოწყობა - ხელშეკრულების გაფორმებიდან არაუგვიანეს 2012 წლის 10 აგვისტოს ჩათვლით;
- 5.2. შესყიდვის ობიექტის მიწოდების ადგილი: ქ. თბილისი, ფოსტის შესახვევის №14, ბუხაიძის ქუჩა №14, ჩაისუბნის ქუჩა №3.

#### **მუხლი VI. თანმდევი მომსახურება**

მიმწოდებელმა სამუშაოს დასრულების შემდეგ, თავისი ძალეობითა და სახსრებით უნდა გაათავისუფლოს სამუშაო ადგილი სამშენებლო მოწყობილობა-დანადგარებისაგან, მასალებისაგან, ასევე სამშენებლო ნარჩენებისაგან.

#### **მუხლი VII. შესყიდვის ობიექტის მიღება-ჩაბარება**

- 7.1 შესყიდვის ობიექტი ან მისი ნაწილი (ეტაპი) ჩაითვლება მიღებულად მხოლოდ მიღება-ჩაბარების აქტის გაფორმების შემდეგ.
- 7.2 სამუშაოთა მიღება-ჩაბარება განხორციელდება მათი დამთავრების შემდეგ თანახმად ტექნიკური პირობებისა, მოქმედი სამშენებლო ნორმებითა და წესებით განსაზღვრული აქტების საფუძველზე.
- 7.3 ხელშეკრულების შესრულების კონტროლზე, ტექნიკურ ზედამხედველობაზე და ხელშეკრულებით გათვალისწინებული მიღება-ჩაბარების აქტების გაფორმებაზე პასუხისმგებელ პირებს წარმოადგენენ:  
ქ. თბილისის მერიის კუთილმოწყობის საქალაქო სამსახურის თანამშრომელ(ებ)ი.
- 7.4 შესყიდვის ობიექტის (მისი ნაწილის, ეტაპის) მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.
- 7.5 შემსყიდველი ვალდებულია ოპერატიულად, წერილობითი სახით აცნობოს მიმწოდებელს საბოლოო შემოწმების შედეგები დაწუნებული სამუშაოს მოცულობის და წუნდების მიზეზის მითითებით.

#### **მუხლი VIII. ანგარიშსწორება**

- 8.1. შესრულებული სამუშაოების ანგარიშსწორება განხორციელდება 2012 წლის თბილისის ბიუჯეტის სახსრებით, ეტაპობრივად, მხარეთა შორის მიღება-ჩაბარების აქტის გაფორმებიდან არაუგვიანეს 30 (ოცდაათი) კალენდარული დღის განმავლობაში;
- 8.2. მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია. წინააღმდეგ შემთხვევაში, შემსყიდველს უფლება აქვს უარი თქვას ანგარიშსწორებაზე.
- 8.3. შესრულებული სამუშაოების ანაზღაურება განხორციელდება უნაღდო ანგარიშსწორებით, ლარებში.
- 8.4 შესაძლებელია წინასწარი ანგარიშსწორება მიმწოდებლის მიერ წარმოდგენილი საბანკო გარანტიის საფუძველზე, არაუმეტეს ხელშეკრულების ღირებულების 30%-სა (საბანკო გარანტიის მოქმედების ვადა 1 (ერთი) თვით უნდა აღემატებოდეს სამუშაოების დასრულების ვადას).
- 8.5. ანაზღაურების ადგილი ქ. თბილისი.

#### **მუხლი IX. ფასები**

- 9.1 მიმწოდებლის მიერ დაფიქსირებული ფასი წარმოადგენს ხელშეკრულების ღირებულებით პარამეტრებს.

9.2 ხელშეკრულების ღირებულებითი პარამეტრების შეცვლა დასაშვებია მხარეთა შეთანხმებით.

9.3 ხელშეკრულების ღირებულებითი პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

9.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

### **მუხლი X. ხელშეკრულებაში ცვლილებების შეტანა**

10.1 არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.

10.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

10.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა “სახელმწიფო შესყიდვების შესახებ” საქართველოს კანონის და ამ დებულების მოთხოვნათა გათვალისწინებით.

10.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

### **მუხლი XI. უფლებების გადაცემა**

11.1. მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით არსებული თავისი ვალდებულებები მესამე პირს.

11.2 მიმწოდებელი ვალდებულია შემსყიდველს წარუდგინოს წერილობითი განცხადება მესამე პირისთვის მთლიანი ან დარჩენილი უფლება-მოვალეობების გადაცემის თაობაზე, აგრეთვე მესამე პირის წერილობითი თანხმობა ხელშეკრულებით განსაზღვრული მთლიანი ან დარჩენილი ვალდებულებების შესრულების თაობაზე.

11.3 შეთანხმების მიღწევის შემთხვევაში უფლება-მოვალეობების გადაცემა (მთლიანად ან ნაწილობრივ) ფორმდება წერილობითი სახით შემსყიდველსა, მიმწოდებელსა და მესამე პირს შორის.

### **მუხლი XII. სუბკონტრაქტორები**

12.1 ხელშეკრულების გაფორმების შემდგომ მიმწოდებელმა წერილობით უნდა აცნობოს შემსყიდველს სუბკონტრაქტორ(ებ)ის აყვანის შესახებ (სუბ-კონტრაქტორის აყვანის აუცილებლობის მიზეზების დასაბუთებით). სუბ-კონტრაქტორ(ებ)ის დასაშვებობის საკითხს წყვეტს შემსყიდველი და მიმწოდებელი ერთობლივი მოლაპარაკების საფუძველზე, რომელიც გაფორმდება წერილობითი ფორმით წინადადარე ხელშეკრულების დამატების სახით.

12.2 ამ ხელშეკრულების ფარგლებში დადებული ყველა სუბკონტრაქტის ასლი უნდა წარუდგინოს შემსყიდველს.

12.3 ამ ხელშეკრულების ფარგლებში დადებული არც ერთი სუბკონტრაქტი არ ათავისუფლებს მიმწოდებელს ხელშეკრულებით ნაკისრი ვალდებულებებისაგან.

### **მუხლი XIII. ხელშეკრულების შესრულების შეფერხება**

13.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავის გადაწყვეტილება, მიღებული აღნიშნულ გარემოებებთან დაკავშირებით.

13.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

## მუხლი XIV. მხარეთა უფლება-მოვალეობები

14.1. შემსყიდველი და მიმწოდებელი მოქმედებენ საქართველოს კანონმდებლობის სრული დაცვით.

14.2 შემსყიდველი ვალდებულია:

14.2.1 დროულად და კეთილსინდისიერად შეასრულოს ხელშეკრულებით ნაკისრი ვალდებულებები;

14.2.2 ხელშეკრულებით გათვალისწინებული სამუშაოების შესრულებისას საქმის კურსში ჩააყენოს მიმწოდებელი ყველა განსაკუთრებული გარემოებების წარმოშობის შესახებ;

14.2.3 ხელშეკრულებით გათვალისწინებული პირობების შესაბამისად აუნაზღაუროს მიმწოდებელს შესრულებული სამუშაოს ღირებულება.

14.2.4 წერილობითი ფორმით დაუყოვნებლივ აცნობოს მიმწოდებელს რაიმე დეფექტის ან ნაკლის აღმოჩენის შესახებ.

14.3. შემსყიდველს უფლება აქვს:

14.3.1 განახორციელოს კონტროლი და ზედამხედველობა მიმწოდებლის მიერ ხელშეკრულებების პირობების დაცვაზე;

14.3.2 განახორციელოს შესრულებული სამუშაოების ტექნიკური ზედამხედველობა და შეამოწმოს მათი შესაბამისობა შემსყიდველის ქვეყანაში მოქმედი მშენებლობის ნორმებისა და წესებში გათვალისწინებული ხარისხის კრიტერიუმების, ტექნიკური სპეციფიკაციების, საქართველოში მოქმედი სტანდარტების გათვალისწინებით.

14.3.3 ხელი მოაწეროს სამუშაოების მიღება-ჩაბარების (შესრულების) აქტებს;

14.4. მიმწოდებელი ვალდებულია:

14.4.1 დროულად და კეთილსინდისიერად შეასრულოს ხელშეკრულებით ნაკისრი ვალდებულებები;

14.4.2 სამშენებლო ნორმებისა და წესების სრული დაცვით უზრუნველყოს სამუშაოთა მაღალი ხარისხით შესრულება და მათი დამთავრება დადგენილ ვადებში;

14.4.3 სამუშაოების შესრულების პროცესში შეტყობინების მიღებისთანავე აღმოფხვრას უხარისხოდ შესრულებული სამუშაო შემსყიდველის მხრიდან რაიმე დამატებითი დანახარჯების გაწვევის გარეშე;

14.4.4 სამუშაოების შესასრულებლად აუცილებელი მასალები, აღჭურვილობა და მექანიზმების მოწოდება უზრუნველყოფილი უნდა იქნას მიმწოდებლის მიერ საკუთარი შესაძლებლობებით და რესურსებით და მიმწოდებელი პასუხისმგებელი უნდა იყოს აღნიშნული მასალების, აღჭურვილობის და მექანიზმების უსაფრთხოებაზე. ხსენებული მასალების დაკარგვის ან გაუმართაობის შედეგად გამოწვეული რისკი ეკისრება მიმწოდებელს.

14.4.5 მიმწოდებელმა სამუშაოების განხორციელების განმავლობაში მათ მიღებამდე საქართველოს მოქმედი კანონმდებლობის და არსებული ნორმების შესაბამისად, უნდა მიიღოს აუცილებელი ზომები ტექნიკური უსაფრთხოების და გარემოს დაცვის უზრუნველსაყოფად.

14.4.6 მიმწოდებელი საქართველოში ტექნიკური უსაფრთხოების და გარემოს დაცვასთან დაკავშირებით მოქმედი კანონების და ნორმების შესაბამისად ვალდებულია მიიღოს უსაფრთხოების აუცილებელი ზომები მშენებლობის ზონაში ხანძრის გაჩენის და აფეთქების თავიდან ასაცილებლად.

14.4.7 ნებისმიერ დროს, წინასწარი შეტყობინების გარეშე დაუშვას შემსყიდველი და მისი წარმომადგენლები სამუშაო მოედნებზე.

14.4.8. სამუშაოების დასრულების შემდეგ **1 (ერთი) წლის** განმავლობაში რაიმე წუნის (ნაკლოვანებები, დეფექტი) აღმოჩენის შემთხვევაში, თუ დადგინდება რომ აღნიშნული წუნი (ნაკლოვანებები, დეფექტი) გამოწვეულია მათი მიზეზით, მიმწოდებელი ვალდებულია აღმოფხვრას უხარისხოდ შესრულებული სამუშაოები საკუთარი ხარჯებით;

14.5. მიმწოდებელს უფლება აქვს:

14.5.1 მოსთხოვოს შემსყიდველს ხელშეკრულებით გათვალისწინებული პირობების შესაბამისად შესრულებული სამუშაოების ღირებულების ანაზღაურება;

## მუხლი XV. ხელშეკრულების პირობების შეუსრულებლობა

15.1. თუ მიმწოდებელი გადააცილებს შესყიდვის ობიექტის მიწოდების ვადას, დაეკისრება პირგასამტეხლო ყოველ ვადაგადაცილებულ დღეზე შეუსრულებელი სამუშაოების ღირებულების **0,1%**-ის ოდენობით;

15.2. საჯარიმო სანქციის გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

15.3. თუ შემსყიდველი არ ასრულებს წინამდებარე ხელშეკრულების მე-8 მუხლის 8.1 პუნქტის მოთხოვნებს, დაეკისრება პირგასამტეხლო ჩასარიცხი თანხის **0,1%**-ის ოდენობით ყოველ ვადაგადაცილებულ დღეზე.

## მუხლი XVI. ხელშეკრულების შეწყვეტა მისი პირობების შეუსრულებლობის გამო

16.1 შემსყიდველს უფლება აქვს ცალმხრივად შეწყვიტოს ხელშეკრულების მოქმედება, ასევე დააკისროს მიმწოდებელს ხელშეკრულებით გათვალისწინებული ვალდებულებების შეუსრულებლობით გამოწვეული ზიანის ანაზღაურება საქართველოში მოქმედი კანონმდებლობით გათვალისწინებული წესის შესაბამისად:

- ა) თუ მიმწოდებელი არ ასრულებს ან არაჯეროვნად ასრულებს ხელშეკრულებით ნაკისრ ვალდებულებებს;
- ბ) თუ მიმწოდებელი სისტემატიურად და/ან უხეშად არღვევს ხელშეკრულების პირობებს;
- გ) იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 1%-ს;
- დ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო მიმწოდებელი ვერ უზრუნველყოფს ხელშეკრულებით ნაკისრ ვალდებულებების შესრულებას;
- ე) მიმწოდებლის გაკოტრების შემთხვევაში;
- ვ) საქართველოს კანონმდებლობით გათვალისწინებულ სხვა შემთხვევებში;

16.2 შემსყიდველს შეუძლია მთლიანად ან ნაწილობრივ შეწყვიტოს ხელშეკრულება:

ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია შეასრულოს სამუშაო ან მისი ნაწილი;

ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება.

16.3 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

16.4 მე-16 მუხლის 16.1 და 16.2 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად შესრულებული სამუშაოს ღირებულება.

## მუხლი XVII. ხელშეკრულების შესრულების გარანტია

17.1 იმისათვის, რომ თავიდან იქნას აცილებული რისკი, წარმოქმნილი მიმწოდებლის მიერ სახელმწიფო შესყიდვის შესახებ ხელშეკრულების შეუსრულებლობის გამო, გამოიყენება გარანტირების მექანიზმის შემდეგი სახე – საბანკო გარანტია, ხელშეკრულების საერთო ღირებულების 10 %-ის ოდენობით.

17.2. “გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ” სახელმწიფო შესყიდვების სააგენტოს თავმჯდომარის 2011 წლის 07 აპრილის 9 ბრძანების 21-ე მუხლის მე-4 პუნქტის საფუძველზე მიმწოდებელი ვალდებულია ხელშეკრულების დადების შემდეგ წარმოადგინოს ხელშეკრულების შესრულების უზრუნველყოფის საბანკო გარანტია ხელშეკრულების საერთო ღირებულების 10 %-ის ოდენობით.

17.3 მიმწოდებლის მიერ ხელშეკრულებით გათვალისწინებული ვალდებულებების დარღვევის (ხელშეკრულებით გათვალისწინებული ვალდებულებების შესრულებაზე უარის თქმა, ხელშეკრულებით გათვალისწინებული ვადების დარღვევა, ვალდებულების უხარისხოდ, არაჯეროვნად, არასრულად შესრულება და სხვა) შემთხვევაში, მიმწოდებელს საბანკო გარანტიით გათვალისწინებული თანხა არ დაუბრუნდება).

17.4 საბანკო გარანტიის მოქმედების ვადა მინიმუმ 1 (ერთი) თვით უნდა აღემატებოდეს შესყიდვის ობიექტის მიწოდების საბოლოო ვადას.

17.5 მიმწოდებელს ხელშეკრულების შესრულების უზრუნველსაყოფად გაცემული საბანკო გარანტია, ხელშეკრულებით გათვალისწინებული ვალდებულებების სრული და ჯეროვანი შესრულების შემთხვევაში, დაუბრუნდება მხარეთა შორის შესყიდვის ობიექტის საბოლოო მიღება-ჩაბარების აქტის გაფორმებიდან 5 დღის ვადაში.

17.6 მიმწოდებლისაგან დამოუკიდებელი მიზეზების გამო ხელშეკრულების შეწყვეტის შემთხვევაში შემსყიდველი ორგანიზაცია ვალდებულია მიმწოდებლის მოთხოვნისთანავე დაუბრუნოს მას ხელშეკრულების შესრულების უზრუნველყოფის გარანტია.

## მუხლი XVIII. ფორს-მაჟორი

18.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

18.2 ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი

გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

18.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუფავეს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

18.4 თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გრძელდება ერთ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება კომპენსაციის მოთხოვნის უფლების გარეშე.

### **მუხლი XIX. სადაო საკითხების გადაწყვეტა**

19.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

19.2 თუ ასეთი მოლაპარაკებების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხრეს დავის გადაწყვეტის მიზნით შეუძლია დადგენილი წესის და მიხედვით მიმართოს საქართველოს სასამართლოს, თუ ხელშეკრულებაში სხვა რამ არ არის გათვალისწინებული.

### **მუხლი XX. გამოყენებული სამართალი**

20.1 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

### **მუხლი XXI. შეტყობინება**

21.1 ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, დეკუმის, ტელექსის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

21.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

### **მუხლი XXII. გადასახადები და დაბეგრა**

22.1 მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდლების გადახდაზე.

### **მუხლი XXIII. ხელშეკრულების მოქმედების ვადა**

23.1 ხელშეკრულება ძალაში შედის მხარეთა მიერ მისი ხელმოწერის თარიღიდან და ძალაშია 2013 წლის 10 აგვისტოს ჩათვლით.

### **მუხლი XXIV. სხვა პირობები**

24.1. ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით.

24.2. მიმწოდებელს არა აქვს უფლება გადასცეს მესამე პირს თავისი უფლებები და მოვალეობები შემსყიდველის წერილობითი თანხმობის გარეშე.

24.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.


24.4. ხელშეკრულება შედგენილია ქართულ ენაზე, ოთხ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან (ერთი პირი მიმწოდებელთან და სამი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

24.5. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილი მხარეთა მიერ.

### მუხლი XXV. მხარეთა იურიდიული მისამართები და რეკვიზიტები

შემსყიდველი:

ქ. თბილისის მერია



ტარიელ ხიზანიშვილი

მერის მოადგილე

ქ. თბილისის მერია

ქ. თბილისი, ჟ. შარტავას ქ. #7

სს "ლიბერთი ბანკი"

ბანკის კოდი: LBRTGE22

საიდ. კოდი: 204521794

ა/ა: GE95LB0125152101627000

მიმწოდებელი:

შპს „მადლი“

როინ ლუტიძე

დირექტორი

შპს „მადლი“

ქ. თბილისი, ბ. ხმელნიცვის #16ბ

სს „საქართველოს ბანკი“

ბანკის კოდი: BAGAGE22

საიდ. კოდი: 206209510

ა/ა: GE78BG0000000887181000

ფოსტის შესახვევის №14-ში მდებარე საყრდენი კედლის მოწყობა

ხარჯთაღრიცხვა

№	სამუშაოს დასახელება	განზ. ერთ.	რაოდენობა	ერთ. ფასი	საერთო ღირებულება
1	2	3	4	5	6
1	სამშენებლო მოედნის შემოღობვა ხის მასალით, ბოძების ჩაბეტონებით	კვ.მ.	23,00	20,00	460,00
2	კლდოვანი გრუნტის დამუშავება მექანიზმებით	კუბ.მ.	120,00	3,50	420,00
3	კლდოვანი გრუნტის დამუშავება ხელით (როულ პირობებში)	კუბ.მ.	45,00	25,00	1125,00
4	დამუშავებული გრუნტის დატვირთვა ა/თვითმცლელელებზე	კუბ.მ.	165,00	3,50	577,50
5	გრუნტის გატანა 20 კმ-მდე მანძილზე ა/თვითმცლელელებით	ტონა	247,50	10,00	2475,00
6	საფუძვლის მოწყობა ქვიშა-ხრეშის ნარევით	კუბ.მ.	8,00	35,00	280,00
7	მონოლითური რკინა-ბეტონის კონსტრუქციების მოწყობა ბეტონით მ-2500	კუბ.მ.	60,00	250,00	15000,00
8	არმატურა AIII AI	ტონა	2,50	1400,00	3500,00
9	ლითონის დგარები ღობისთვის დ=50*3	კ/მ	10,00	9,50	95,00
10	ღობის მოწყობა მავთულბადით	კვ.მ.	23,00	10,00	230,00
11	დრენაჟის მოწყობა კედლის უკან	კვ.მ.	11,50	30,00	345,00
12	კედლებზე იზოლაციის მოწყობა	კვ.მ.	46,00	6,00	276,00
13	კედლის უკანა ნაწილის ამოვსება ღორღით	კუბ.მ.	70,00	35,00	2450,00
	ჯამი				<b>27233,50</b>
	ზედნადები ხარჯები 10%				2723,35
	ჯამი				29956,85
	მოგება 8%				2396,55
	ჯამი				32353,40
	გაუთვალისწინებელი ხარჯები 5%				1617,67
	ჯამი				33971,07
	დღგ 18%				6114,79
	სულ				<b>40085,86</b>

ქ. თბილისის მერია

ტარიელ ხიზანეიშვილი  
მერის მოადგილე

*ტარიელ ხიზანეიშვილი*



შ.პ.ს "მადლი"

რონ ლუტიძე  
დირექტორი



**ბუხაიძის ქუჩა №14-ში მდებარე საყრდენი კედლის მოწყობა  
ხარჯთაღრიცხვა**

№	სამუშაოს დასახელება	განზ. ერთ.	რაოდენობა	ერთ. ფასი	საერთო ღირებულება
1	2	3	4	5	6
1	სამშენებლო მოედნის შემოღობვა ხის მასალით, ბოძების ჩაბეტონებით	კვ.მ.	30,00	20,00	600,00
2	კლდოვანი გრუნტის დამუშავება მექანიზმებით	კუბ.მ.	480,00	3,50	1680,00
3	VI კატეგორიის გრუნტის დამუშავება პნევმოჩაქუნის გამოყენებით	კუბ.მ.	50,00	45,00	2250,00
4	კლდოვანი გრუნტის დამუშავება ხელით (როულ პირობებში)	კუბ.მ.	60,00	25,00	1500,00
5	დამუშავებული კლდოვანი გრუნტის დატვირთვა ბადებში ამოზიდვა 6 მეტრის სიღრმიდან ამწე-კრანით და დატვირთვა ა/თვითმცლელელებზე	კუბ.მ.	590,00	18,00	10620,00
6	გრუნტის გატანა 20 კმ-მდე მანძილზე ა/თვითმცლელელებით	ტონა	1180,00	10,00	11800,00
7	ნაბურღინექციური d=130 მმ საანკერო ხიმინჯების მოწყობა VI კატ. გრუნტში	გ/მ	96,00	128,00	12288,00
8	საფუძვლის მოწყობა ქვიშა-ხრეშის ნარევით	კუბ.მ.	8,00	35,00	280,00
9	მონოლითური რკინა-ბეტონის კონსტრუქციების მოწყობა ბეტონით მ-300	კუბ.მ.	160,00	260,00	41600,00
10	არმატურა AIII	ტონა	20,00	1400,00	28000,00
11	ლითონის მოაჯირის მოწყობა მილკვადრატებით (როული კონსტრუქცია)	კვ.მ.	28,00	60,00	1680,00
12	ლითონის მოაჯირის შეღებვა ზეთოვანი საღებავით	კვ.მ.	28,00	8,00	224,00
13	დრენაჟის მოწყობა კედლის უკან	გ/მ	50,00	30,00	1500,00
14	კედლებზე იზოლაციის მოწყობა	კვ.მ.	150,00	6,00	900,00
15	კედლის უკანა ნაწილის ამოვსება ღორღით	კუბ.მ.	300,00	35,00	10500,00
	<b>ჯამი</b>				<b>125422,00</b>
	ზედნადები ხარჯები 10%				12542,20
	ჯამი				137964,20
	მოგება 8%				11037,14
	ჯამი				149001,34
	გაუთვალისწინებელი ხარჯები 5%				7450,07
	ჯამი				156451,40
	დღგ 18%				28161,25
					<b>184612,66</b>

სულ  
ქ. თბილისის მერია



ტარიელ ხიზანიშვილი  
მერის მოადგილე



შ.პ.ს "მადლი"  
როინ ლუტიძე  
დირექტორი

**ჩაისუბნის ქუჩა №3-ში მდებარე საყრდენი კედლის მოწყობა  
ხარჯთაღრიცხვა**

№	სამუშაოს დასახელება	განს. ერთ.	რაოდენობა	ერთ. ფასი	საერთო ღირებულება
1	2	3	4	5	6
1	სამშენებლო მოედნის შემოღობვა ღვინის ბაღით	კვ.მ.	48,00	10,00	480,00
2	ხეების ამოძირკვა როულ და შეზღუდულ პირობებში, ავტომანქანის გამოყენებით	ცალი	3,00	120,00	360,00
3	VI კატეგორიის გრუნტის დამუშავება პნევმოჩაქუნის გამოყენებით	კუბ.მ.	675,00	45,00	30375,00
4	დამუშავებული გრუნტის ამოზიდვა ვედროებით 6-9 მეტრის სიღრმიდან, გადაადგილება ხელით და დატვირთვა ა/თვითმცლელებზე	კუბ.მ.	675,00	30,00	20250,00
5	გრუნტის გატანა 20 კმ-მდე მანძილზე ა/თვითმცლელებით	ტონა	1350,00	10,00	13500,00
6	ნაბურღინექციური d=130 მმ საანკერო ხიმინჯების მოწყობა VI კატ. გრუნტში	ც/მ	84,00	128,00	10752,00
7	საფუძელის მოწყობა კვიშა-ხრეშის ნარევით	კუბ.მ.	8,00	35,00	280,00
8	მონოლითური რკინა-ბეტონის კონსტრუქციების მოწყობა ბეტონით მ-300	კუბ.მ.	150,00	260,00	39000,00
9	არმატურა AIII	ტონა	25,00	1400,00	35000,00
10	დრენაჟის მოწყობა კედლის უკან	ც/მ	26,00	30,00	780,00
11	კედლებზე იზოლაციის მოწყობა	კვ.მ.	221,00	6,00	1326,00
12	კედლის უკანა ნაწილის ამოვსება ღორღით	კუბ.მ.	150,00	35,00	5250,00
13	დაზიანებული აგურის კედლის დემონტაჟი	კუბ.მ.	22,00	25,00	550,00
14	სამშენებლო ნარჩენების დატვირთვა ა/თვითმცლელებზე ხელით	კუბ.მ.	22,00	12,50	275,00
15	სამშენებლო ნარჩენების გატანა 20 კმ-მდე მანძილზე ა/თვითმცლელებით	ტონა	38,50	10,00	385,00
16	მოაჯირის დამზადება და მონტაჟი მილკვადრატებით (როული კონსტრუქცია)	კვ.მ.	80,00	60,00	4800,00
17	ღვინის მოაჯირის შეღებვა ზეთოვანი საღებავით	კვ.მ.	80,00	8,00	640,00
	<b>ჯამი</b>				<b>164003,00</b>
	ზედნაღები ხარჯები 10%				16400,30
	<b>ჯამი</b>				<b>180403,30</b>
	მოგება 8%				14432,26
	<b>ჯამი</b>				<b>194835,56</b>
	გაუთვალისწინებელი ხარჯები 5%				9741,78
	<b>ჯამი</b>				<b>204577,34</b>
	დღგ 18%				36823,92
	<b>სულ</b>				<b>241401,26</b>

  
**ქ. თბილისის მერია**  
 ტარიელ ხიზანეიშვილი  
 მერის მოადგილე  


  
**შ.პ.ს "მადლი"**  
 როზნა ლუტიძე  
 დირექტორი

შეთანხმებულია:



გ. ყოჩიაშვილთან



ა. თაბუაშვილთან



ი. ათანასოვთან



19.06.20

ხელწერილი

ინტერესთა კონფლიქტის არარსებობის შესახებ

ქ. თბილისი

04 ივნისი, 2012 წელი

ჩვენ, ქვემოთ ხელის მომწერნი ვადასტურებთ, რომ ქ. თბილისში, ფოსტის შესახვევის №14-ში მდებარე საყრდენი კედლის მოწყობის, ბუხაიძის ქუჩა №14-ში მდებარე საყრდენი კედლის მოწყობის და ჩაისუბნის ქუჩა №3-ში მდებარე საყრდენი კედლის მოწყობის სამუშაოების სახელმწიფო შესყიდვის განხორციელებასთან დაკავშირებით, ჩვენი მონაწილეობა არ ეწინააღმდეგება "სახელმწიფო შესყიდვების შესახებ" საქართველოს 2005 წლის 20 აპრილის კანონის მე-8 მუხლის მოთხოვნებს და შესყიდვაში მონაწილეობით ინტერესთა კონფლიქტში არ ვიმყოფებით.

ქ. თბილისის მერის მოადგილე

ტარიელ ხიზანეიშვილი -



ქ. თბილისის მერიის მუნიციპალური შესყიდვების საქალაქო სამსახურის უფროსი

ალექსი თაბუაშვილი -



ქ. თბილისის მერიის საფინანსო საქალაქო სამსახურის უფროსი

ილია ათანასოვი -



ქ. თბილისის მერიის კეთილმოწყობის საქალაქო სამსახურის უფროსი

გიორგი ყოჩიაშვილი -



ქ. თბილისის მერიის კეთილმოწყობის საქალაქო სამსახურის უფროსის მოადგილე

ლევან ჩალაძე -



ქ. თბილისის მერიის კეთილმოწყობის საქალაქო სამსახურის ტექნიკური ზედამხედველობის განყოფილების უფროსი

პავლე ხაჩიძე -



ქ. თბილისის მერიის კეთილმოწყობის საქალაქო სამსახურის ტექ. ზედამხედველი

მერაბ ავქოფაშვილი -

